



RÍKISLÖGREGLUSTJÓRINN

ALMANNAVARNADEILD



FUNDUR VÍSINDAMANNARÁÐS ALMANNAVARNA

Dags: 12.11.2014	Kl.: 09:30	Staðsetning: Björgunarmiðstöðin í Skógarhlíð.
Fundarefní: Umbrotin í Bárðarbungu		
Fundinn sátu: Vísindamenn frá Veðurstofu Íslands og Jarðvísindastofnun Háskólans, ásamt fulltrúum frá almannavarnadeild ríkislögreglustjóra, Umhverfisstofnun og Sóttvarnalækní.		

Meginefni fundar

- Eldgosið í Holuhrauni
- Loftgæði
- Sviðsmyndir

Fundargerð

- Eldgosið í Holuhrauni heldur áfram með líkum hætti og verið hefur. Hraun flæðir enn úr hrauntjörninni í gígnum. Hraunbreiðan heldur áfram að stækka til suðurs. Í gær var þyrla Landhelgisgæslunnar notuð til þess að kanna aðstæður við suðurjaðar hraunsins þar sem það sækir nú fram á 3-5 km breiðu svæði.
- Jarðskjálftavirkni í Bárðarbungunni er enn mikil. Stærsti skjálftinn sem mældist undanfarna tvo sólarhringa varð mánudaginn 10. nóvember kl. 22:39 og mældist hann M5,1. Alls mældust 15 skjálftar á milli M4,0 og M5,0 síðustu tvo daga. Frá hádegi á mánudag, 10. nóvember, hafa mælst um 130 skjálftar við Bárðarbungu.
- Mjög fáir smærri skjálftar mælast við bergganginn og gosstöðvarnar í Holuhrauni.
- Smáskjálftahrina mældist í Tungnafellsjökli í gær. Stærsti skjálftinn varð kl. 10:07 og mældist hann M2,8.
- Sigið í öskju Bárðarbungu er svipað og verið hefur undanfarnar vikur. Í gær var GPS stöðin hækkuð til þess að lyfta henni uppúr snjónum. Hækjun á siglinuriti á vefsíðu Veðurstofunnar stafar af þessari aðgerð.
- Loftgæði:
 - Í dag (miðvikudag) berst gasmengun frá eldgosinu til vesturs og suðvesturs af gosstöðvunum, frá sunnanverðu Snæfellsnesi suður yfir Reykjanes. Á morgun (fimmtudag) er áfram spáð austlægri átt og er hætt við gasmengun á V-landi frá sunnanverðum Breiðafirði, allt suður að höfuðborgarsvæðinu.
 - Tvenniskonar tveggja daga spár eru gerðar vegna mengunar frá eldgosinu. Annars vegar er um að ræða textaspá með kortum sem gerð eru af veðurfræðingi á vakt, sjá [Gas spá](#). Hins vegar er hægt að skoða sjálfvirkt [Gas líkan](#), en þetta er tilraunakeyrsla sem er í þróun og taka ber með [fyrirvara](#). Veðurstofan og Umhverfisstofnun biður fólk að [Skrá mengun](#), verði það hennar vart og þeim áhrifum sem það verður fyrir.
 - Hægt er að fylgjast með mælingum á loftgæðum á síðunni [www.loftgæði.is](http://www.loftgaeði.is) Þar eru einnig aðgengileg gögn frá handmælum sem eru víða um land.
- Leiðbeiningar:
 - Ef fólk finnur fyrir óþægindum er mælt með að halda sig innandyra, loka gluggum, auka kyndingu og slökkva á loftræstingu. Gott er að lofta vel út þegar loftgæði eru góð. Fólk sem finnur fyrir óþægindum er hvatt til þess að hafa samband við sína heilsugæslustöð. Tafla um viðbrögð við loftmengun hefur verið birt á vef



RÍKISLÖGREGLUSTJÓRINN

ALMANNAVARNADEILD



Umhverfisstofnunar www.ust.is. Hægt er að fylgjast með mælingum á loftgæðum á síðunni www.loftgæði.is. Veðurstofan birtir textaspár á vef sínum og viðvaranir eftir því sem aðstæður breytast.

- Tilmæli og leiðbeiningar má finna hjá [Umhverfisstofnun](#) og [Embætti landlæknis](#), m.a. töflu um [rétt viðbrögð](#).
- Veðurstofan birtir spár um útbreiðslu brennisteinstvíildis á vef sínum eins og greint er frá hér að ofan og þær eru einnig lesnar með veðurfregnum í útvarpi. Leitast er við að koma spánum til skila í sjónvarpsveðurfréttum.
- Umhverfisstofnun hefur dreift handmælum víða um land til að bæta upplýsingaöflun um dreifingu mengunarinnar og niðurstöðurnar má sjá bæði á vef hennar og Veðurstofunnar.
- Hægt er að senda inn fyrirspurnir og upplýsingar til Umhverfisstofnunar vegna loftmengunar á netfangið gos@ust.is. Umhverfisstofnun óskar sérstaklega eftir upplýsingum frá fólk sem hefur orðið vart við mikla mengun; hvar það varstatt, tímasetningu, lýsingu á gasmekki, eins og lit og skyggni, og lýsingu á áhrifum (sviði í augum o.s.frv.).

- Þrír möguleikar eru áfram taldir líklegastir um framvindu:

- Gosið í Holuhrauni fjarar út og öskjusig í Bárðarbungu hættir.
- Stórt öskjusig í Bárðarbungu. Gos í Holuhrauni verður langvinnt eða vex. Mögulegt er að sprungan lengist til suðurs inn undir Dyngjujökul og valdi jökulhlaupum og gjóskufalli. Einnig er mögulegt að sprungur opnist annars staðar undir jöklínnum.
- Stórt öskjusig í Bárðarbungu og gos í öskjubroti. Slíkt gos gæti brætt mikinn ís og valdið verulegu jökulhlaupi. Öskufall gæti orðið nokkurt.

Ekki er hægt að útiloka aðrar sviðsmyndir.

- **Frá Veðurstofu Íslands:** Litakóði fyrir flug er áfram appelsínugulur fyrir Bárðarbungu.

- Næsti fundur vísindamannaráðs verður föstudaginn 14. nóvember.

Ríkislögreglustjórinn almannavarnadeild www.almannavarnir.is www.avd.is Twitter: [@almannavarnir](https://twitter.com/almannavarnir)